

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Sanctus quod per Apostolos protulit , à Christo accepit; Christus à Patre , Joh. 8. v. 38. 40. v. 42. Joh. 5. v. 30. 6. v. 38. Qui igitur doctrinam Christi non affert, sed impugnat,

qui Christum non glorificat , sed blasphemat, à Deo non est. Probemus ergo Spiritus, & non credamus omnibus & singulis, i. Joh. 4. v. 1. vide etiam i. Joh. v. 10. II.

Dominica Vocem Jucunditatis.

Evangelium Iohann. 16. v. 23. 30.

ADR regem Ahasverum nemini concedebatur aditus , nisi qui vocatus erat , & si quis contra hoc statutum intrabat in atrium , mox interficiebatur, Esth. 4. v. 11.

Secus Rex Regum & Dominus dominatum , qui neminem ad se venientem foras expellit , Joh. 6. v. 37. imò thesauros beneficiorum tuorum omnibus vult apertos , & clavem precum nobis dedit , per quam cœlestē ταύτην recludere & ex thesauris Dei pro luctu depromere possumus , quicquid nobis opus est. Hinc Sponsam suam amissimè invitat, Cant. 2. v. 13. surge , propera amica mea , speciosa mea & veni , ostende mihi faciem tuam , sonet vox tua in auribus meis , vox enim tua dulcis , & facies tua de cora. Quibus verbis prædicat

i. *Sponsa venustatem* , quæ non est compata , jacet enim natura in sanguinibus , Ezech. 16. v. 6. sed donata , Esa. 60. v. 10. Apoc. 19. v. 7. 8. hic est ornatus sponsæ interior , quo coram Deo fulget Ps. 45. v. 14.

2. *Vocis suavitatem* , per quam intelligitur fiducialis oratio , quâ cum sponso suo loquitur. Hanc expertit Christus audire , proinde invitat discipulos suos & omnes Christianos in prælecta pericope. Haec tenus non petiistis quicquam in nomine meo , petite & accipietis , ut gaudium vestrum perfectum sit.

Constat Evangelium tribus partibus, ut sunt:

- I. *Orationis commendatio.*
- II. *Adminiculorum sapientia.*
- III. *Discipulorum adstipulatio.*

JJ.

EXEGESIS.

Moses ad mandatum Dei conficiebat singulare thymiana ex oderatis & pretiosis aromatibus , quod singulis diebus manè & vesperi , in odorem suavitatis Deo adolendunt erat , Exod. 30. v. 34. Per hoc suffimentum adumbratae sunt preces piorum , Apoc. 8. v. 3. quæ spirituale incensum præstant in oculis Dei , Psal. 141. v. 2. & sine intermissione exerceri debent , n. Thess. 5. v. 17. ut manè ordiamur & vesperi etiam finiamus opera vocationis nostræ cum precibus , si Dei benedictionem comitem habere velimus. Omnia enim sanctificantur per orationem , i. Tim. 4. v. 5.

Hoc idem vult Christus in hodierno Evangelio , ubi orationem nobis commendat

i. *Ratione necessitatis* , quæ triplici filios astringit. Ponitur enim hic

i. *Mandatum*. Petite , inquit Christus. Quod confirmatur Deut. 6. v. 13. Ps. 50. v. 15. Esa.

Esa.55.v.6. Matth.7.v.7. c.26.v.41. Luc.18.
v.1. 1.Tim.2.v.1. non igitur relictum est in
nostro arbitrio an velimus orare , nec ne,
sed obligati sumus mandato Domini supre-
mi, qui non solum corpus occidit, sed ani-
mam simul in infernum præcipitet, Matth.
10.v.28.

2. *Debitum.* Nam ad discipulos suos
Christus sermonem dirigit. Quisquis igitur
verus est discipulus Christi, huic mandato
libenter obtemperat , & cum Christo Ma-
gistro suo colloqui desiderat , quod sit per
orationem, quæ colloquium Deo à Cypria-
no appellatur ex Ps.19.v.15.

Hæc est summa hominis Christiani di-
gnitatis, Deuter.4.verf.7. verus discipulus
Christi est templum & habiraculum D E I,
Johan.14.v.23. 2.Cor.6.verf.16. Jam vero
ubi est templum Dei , ibi etiam offerri o-
portet sacrificium , quod est oratio, Psalm.
141.v.2.

Verus discipulus Christi accepit unctio-
nem Spiritus, i. Johan.2.v.27. Spiritus S. au-
tem est Spiritus precum , Zach.12.v.10. ubi
igitur Spir. Sanct. habitat, illum ad preces
compellit, Rom.8.v.14.

Verus discipulus Christi est spiritualis
miles, sub vexillo Christi, ergo necessarium
ipso est, ut precibus sece muniat, Ephes.6.
vers.11.

3. *Periculum.* Diabolus obambulat ut
leo rugiens , i.Petr.5.verf.8. caro concupi-
scit adversus Spiritum , Galat.5.v.17. mun-
dus in maligno positus , i.Johan.5.v.19. &
non acquiescit prius, quam principis sui de-
sideria , sanguine & cœde expleverit, Job.8.
v.44. Imò optima portio nostra in hac lac-
chrymarum valle est labor & dolor , Ps.90.
v.10. Hi sunt stimuli, qui ad Dominum nos
ire compellunt, Esa.26.v.16. Ps.18.v.7. sicut

enim h̄c Christus discipulis suis tristem in
mundo fortem prænuncians ad preces re-
mittit : Ita adversus omnia mundi pericula
in precibus munitum & medicamen-
tum invenimus , quò pertinet exemplum
Mosis, Exod.17.v.11.

2. *Ratione proprietatis.* Tria enim po-
tissimum vera oratio requisita habeat nece-
sse est, ut fiat

1. *Intelligenter,* non cœco impetu, quo
feruntur ethnici solem & lunam adorantes,
Sap.13.v.2. & mutantे gloriam incorru-
ptibilis Dei in similitudinem imaginis cor-
ruptibilis hominis , & voluctum & quadru-
pedum & serpentium , Rom.1.v.23. Itemq;
Pontificii, qui coram idolis procidunt, quæ
ex auro & argento confecta sunt, os habent,
& non loquuntur , &c. Psalm.115.v.5. seqq.
& sanctos demortuos invocant, qui igno-
rant nos , Esa.63.v.16. Hi omnes nesciunt
quid adorant, Johan.4.v.22. sed ad Deum
vivum & verum dirigenda est oratio , qui
ita se patefecit in Scripturis , quod sit æter-
nus Pater , qui æternō genuit filium, eumq;
in plenitudine temporis misit in mundum,
ut esset noster mediator & redemptor, à quo
Patre & filio procedit Spiritus S. qui mittit
in corda credentium, Hinc Christus in
Evangelio : Quicquid petieritis Patrem, in-
quit, dabit vobis. Est enim (1.) Omnis bo-
ni fons & origo, Jac.1.v.17. (2.) καὶ διογύνε-
ται, i.Reg.8.v.39. (3.) potest omnia super-
abundanter facere, quam perimus & in-
telligimus, Eph.3.v.20. (4.) miseretur no-
stri sicut Pater liberorum , Psal.103.v.13. &
(5.) propè est omnibus invocantibus eum,
Psalm.145.v.18.

2. *Reverenter,* nimirum in nomine
Christi. Ipse enim solus est mediator no-
ster, 1.Tim.2.verf.5. qui apud Patrem pro
nobis

a nobis interpellat, Rom. 8. v. 34. in quo omnes promissiones sunt ita & Amen, 1. Cor. 1. v. 20. Hujus merito si fundetur oratio, nunquam frustra effunditur. Pater enim diligit filium Joh. 5. v. 20. & in eo nos acceptos reddidit, Eph. 1. v. 6. Quemadmodum enim in V. T. orantes dirigebant faciem suam ad templum Hierosolymitanum, vel in templo ad aram propitiatorii, 1. Reg. 8. vers. 48. ita nostrum propitiatorium Christus est, Rom. 3. v. 25. ad quem oculi animique inter ordinum dirigendi sunt, per hunc enim accessum habemus ad Patrem per fidem, Rom. 5. v. 2. ipse preces pro nobis obtulit, Ebr. 5. vers. 7. adeoque per ipsum unicè accedimus ut misericordiam consequamur, Ebr. 4. v. 16. unde illi etiam soli danda est gloria, Ps. 115. v. 1. Esa. 48. v. 11.

3. *Frequenter.* Hactenus non petieritis quicquam in nomine meo, inquit Christus, petite & dabitur vobis. Petierant quidem Apostoli, sed more V. T. sub involucre propitiatorii, quia præsentiam Christi corporalem tantum externis oculis intuebantur. Mediatorem verò N. T. esse sub propitiatorio adumbratum nondum intelligebant. Proinde Christus eos in nomine suo post-hac jubet orare explicitè sine involucris typicis. Umbra enim adventante corpore evanuerant, Col. 2. v. 17.

Nos colligimus inde, quod frequenter orare & non deficere debemus, dicente alibi Christo, Luc. 18. vers. 1. *Oremus cubitum iituri*, ut in mediis tenebris Dominus sit nostralux, Ps. 27. v. 1. *Oremus de lecto iterum surgentes*. Nescimus enim quid terus vesper vehat, Sit. 18. v. 28. *Oremus domum exentes*, multi enim exierunt sani & incolumes, & mortui illati sunt. *Oremus domum repentes*, ut Deus benedic laboribus manuum

nostrarum. Nisi enim Dominus ædificaverit dominum, in vanum laborant qui ædificant eam, Psal. 127. vers. 1. *Oremus mensæ accumbentes*, ut cibus prosit corpori. Oremus demensa surgentes, & gratias agamus Deo, qui aperit manum suam, & implet omne animal benedictione, Psal. 145. v. 16. Qui non orat, inquit Lutherus, scire debet, quod non sit Christianus, neque ad regnum Dei pertineat. Hinc est, quod totus cultus divinus orationis nomine exprimitur, Jok. 4. v. 21.

4. *Confidenter*, absque ulla hæsitatione. Nam Pater est, quem invocamus. Si quid petieritis Patrem, inquit Christus, dabitur vobis. Quis igitur tam timidus esset, ut confidenter non accederet? Oramus Patre jubente, Psalm. 50. v. 15. Fratre instituente, Matth. 6. v. 9. Advocato impellente, Rom. 8. vers. 14. cur de exauditione dubitabimus? Certè qui dubitat, Deum mendacem facit, 1. Joh. 5. v. 10. & nihil quicquam accipiet, Jac. 1. v. 7.

3. *Ratione utilitatis*, quæ multiplex, sed Christus unicà exauditionis vocali omnia complectitur, quando dicit: *Quicquid petieritis Patrem in nomine meo, dabitur vobis.* Quām latè igitur patet nostra indigenzia, tām latè etiam hæc promissio se extendit, per quam confirmamur, quod omnia ad hanc futuram vitam necessaria per preces impetrare possimus. *Oratio est baculus Mosis*, quo mare rubrum divisit, Exod 14. v. 21. *funda Davidis*, quā Goliathū prostravit, 1. Sam. 17. v. 49. *Cythara Davidis*, quā Diabolum fugavit, 1. Sam. 16. v. 23. *Scala cœli*, per quam gemitus nostri ascendunt, & Dei gratia descendit, Gen. 28. v. 12. *Columna inter Eccleiam & hostes*, Exod. 14. vers. 20. *Organum Organorum*, notante Chrysostomo,

T

mo,

mo, quo mediante consequi possumus, quicquid nobis ad sustentationem hujus & consecutionem futuræ vitæ salubre & necessarium est. Nam propè est Dominus invocantibus eum, & facit voluntatem timentium se, inquit David Ps.145.v.18.19.

De Secundo.

Quia regerere poterant Apostoli, se esse indignos vel etiam rudes, & non callearent orandi, Christus promittit ipsis

1. *Spiritus Sancti presentiam.* Hac per proverbia locutus sum vobis, inquit, non quod verba Christi in se obscura fuerint, sed ex sensu discipulorum, qui ob ruditatem suam ea intelligere non poterant, ideoque proverbia esse reputabant. Veniet autem tempus, cum non amplius in proverbiis vobis loquar, sed palam &c. Quibus verbis respicit (1.) ad tempus, quo cum Apostolis post resurrectionem suam conversatus est, Act. 1. vers. 3. & intelligentiam ipsis aperuit, Luc.24.v.31. (2.) ad tempus visibilis effusio-
nis Sp. S. in die Pentecostes, qui Apostolis omnia explicaturus, eosque tanquam Spiritus gratiæ & precum informaturus erat, quomodo in nomine & fiducia Christi recte orare debeant, Zach.12.v.10.

Hac est insignis consolatio pro timidis & perturbatis conscientiis, quando sibi ex instinctu Diaboli imaginantur, se indignos esse, ut accedant precibus suis ad Deum, qui sit insignis consumens, Deut. 4.vers.24. & peccatores non audiat, Joh. 9.v.31. Spiritus S. adjuvat infirmitatem nostram, & Spiritui nostro testimonium perhibet, licet natura simus filii iræ Eph. 2.v.3. à Deo separati per peccatum, Esa. 59. vers. 2. quod tamen per Christum facti sumus filii Dei & heredes regni cœlorum, Rom. 8.v. 17. Impossibile

igitur est, quod à Deo efficitur, in nobis, à Deo repudiari. Accedamus igitur cum fiducia ad thronum gratiæ, ut misericordiam consequamur, & gratiam inveniamus in auxilium opportunum, Ebr. 4.v.16.

2. *Dei Patris clementiam*, vers. 26.27.

Non dico vobis, inquit, quod ego rogatus sum Patrem pro vobis, ipse enim Pater amat vos. Quibus verbis officium suum mediatorum non tollit, sed paulò post finitâ hâc concione denuò confirmat Joh.17.v.20. quin & semper adhuc vivit, ut interpellet pro nobis, Ebr.7.v.25. Scopus igitur Christi est plenâ fiduciâ discipulos suos animare, ut sciant, Deum non esse iratum iudicem, ad quem non audeant precibus suis accedere, sed benignissimum Patrem, qui ex animo ipsi bene cupiat, Ps.103.v.13.

Misericordia illa adhuc durat, & tanta est, quantus ipse Deus est, Sir. 2.v.22. quâ cogitur quasi, ut preces nostras exaudiat, Os. 11.v.8. Expende quofo imaginem cordis materni, l. Reg.3.v.26. & paterni, Luc.15.v.20. & firmiter starue eodem modo ex paterno & materno corde Deum erga te affectum esse, Esa.49.v.15. Luc.11.v.11.12.13.

3. *Meriti sui efficientiam.* Pater amat vos, inquit Christus, quia vos amastis me, & credidistis, quod à Deo exixerim, exi à Patre, &c.

Quo brevi aphorismo personam & officium suum eleganter complectitur. Nam à Patre exivit, & venit in mundum per incarnationem suam, dum humanam naturam assumpsit, ut in illa & per illam moriendo & patiendo redemptionis nostræ mysterium perficeret, quo absolute iterum ad Patrem divertit, ascendo ad cœlos, & ad dextram Patris confido, mundumque corporali & terrena conversatione deposita reli-